

REFERAT SAA- Sanarfinermut Avatangiisinullu Ataatsimiititaq d. 14-09-2021

Mødedato Tirsdag d. 14. september 2021 kl. 18:00

Mødested Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Nuummi paassaasivik nutaaq.....	7
Nuuk Centerip allissutissaa.....	10
Najugaqatigiiffik Niels Hammekensvej 51, 3900 Nuuk.....	13
Ulloq unnuarlu najugaqarfik Isaajap Aqq 16, 3900 Nuuk.....	16
Kulusummut automobilsprøjtemik nutaamik pisineq.....	19
Aqqaluup aneerasaartarfia.....	22
Iggiaani biilinit unittarfik.....	26
Nuup illoqarfiani aqquserngit qallunaatut taaguusersorneqarsimasut allannngortinneqarnissaanut inn	29
Siunnersuut N1-1 – Kangerluarsunnguami erngup nukinganik nukissiorfik, nunaannarmi.....	32
Kommunimut pilersaarummut tapiliussap L8-1, Ikkatteq Bluie East 2 inaarutaasumik akuersissutig	35
Nuup Kangerluani Nunatarsuarmi tammajuitsussarsiorluni piniartitsinermut akuersissut.....	38
Lukket.....	41
Lukket.....	42
Lukket.....	43
Lukket.....	44
Taasariaqartut allat.....	45
Imaqarniliap akuerineqarnera.....	46

Punkt .: Saqqaa

Peqataasussat :

Justus Hansen (D)

Uju Petersen (IA)

Naya-Sophia Lyberth (IA)

Peter Davidsen (S)

Mia Skifte Lynge (IA), *Sinniisoq*

Peqataasinnaanani nalunaartoq:

Lone Rosengreen Pedersen (IA).

Punkt .: Oqaluserisassat akuersissutigineqarneri

Beslutning

Oqaluserisassat akuersissutigineqarput.

Punkt .: Nalunaarutit

Siulittaasumut nalunaarutit

Sanaartornermut immikkoortoqarfik kommunip allaffianut uterpoq

Sanaartornermut immikkoortoqarfik kommunip allaffianut uterpoq, septembarimili 2020-mi Issortarfik 1B-mi Iserit A/S allaffeqatigereerlugu.

Utertitsinermit siunertarineqarpoq ingerlatsiviup iluani aamma kommunimi tamarmi susassaqtut akornanni suleqatigiinnerup pitsaanerulersinnissaa.

Ingerlatsinermit Avatangiisinullu pisortaq – sulinngiffeqarnissamik qinnuteqaat

Allaffeqarfimmit Kommuneqarfik Sermersuumi fagchefitutorfillip, Ingerlatsinermit Avatangiisinullu pisortaq, sulinngiffeqarnissamik qinnuteqaataa akuerineqarpoq.

Sulinngiffeqarneq atuutissaaq piffissami 1. oktobari 2021-miit 30. septembari 2022-p tungaanut.

Kommunimut pilersaarummut tapiliussaq 1C14-4, Nuutoq, Nuuk, ulloq 01.06.2021 akuersissutigineqarpoq.

Kommunimut pilersaarummut tapiliussaq akuerineqarnera malillugu Immikkuualuttoq D allagartaliinikkut biilerfiujunnaarsinneqarpoq

Tamatuma kingorna immikkoortumukaassisarneq pillugu paasiniaasunik saaffiginnittoqartarpoq.

Ilaatigut neriniartarfimmiit Restaurant Unicorn-imit saaffiginnissuteqartoqarpoq, taannalu allaffeqarfimmiit oqaloqatigiinneq ingerlanneqarpoq.

Innuttaasumit saaffiginnissut illumik misiliummik nappaanissamik kissaateqarneq pillugu

Innuttaasooq piffissami sivisuumi ingerlatsivimmi pisortaasimasumik oqaloqateqartarsimavoq Nuummi misiliutaasumik illuliornissaq pillugu.

Innuttaasooq kommunimut pilersaarummi 1A18-imi, misiliutaasumik sanaartornermut atugassanngortinneqartumi, sanaartorfissamik innersuunneqarsimavoq.

Kommunimut pilersaarummi 1A18 aalajangersarneqarpoq: ”Sanaartugaq inissinneqassaaq aamma sammivilerneqassaaq imaalillugu, C. E. Janssensvejimi sanaartukkat sammivii malillugit, aamma qaliaasa sivingarngi assigiissillugit (immikkoortoq "Sanariaaseq" innersuussutigalugu)”

Innuttaasumit illup qaliai assigiissinneqarnissaat kissaatigineqanngilaq immikkullu akuerineqarusulluni.

Immikkut akuersissuteqarnissaq matumani allaffeqarfimmit itigartitassiissutigineqarpoq, kommunimut pilersaarummi immikkoortumut nutaamut pingaartinneqarmat sanaartoriaatsip ingerlateqqinneqarnissaa qitiutinneqarmat aamma illoqarfiup ilaatut Qaqortutut isikkoqartinneqarnissaa.

Innuttaasup kissaatigisimavaa tassunga tunngasooq sanarfinermut avatangiisinullu ataatsimiititamut saqqummiunnissaa.

Innuttaasooq itigartinneqarpoq, suliaq allaffissornikkut suliarineqarsimanagera tunngavilersuutigalugu.

ANGALLANNEQ PILLUGU PILERSAARUT IMM. 1: Nuummi aqquserngit aqqusineqqallu – akuerineqarpoq ulloq 31-08-2021

Angallannermut pilersaarut imm. 1 malillugu ilaatigut pisuinnarnut sikkilertunullu tunngatillugu taakkununga pitsanngorsaasoqarpoq.

Ataatsimiititami siulittaasumit allaffeqarfik peqatigalugu suliniutitut siullertut Ilimmarfiup eqqaani majuartarfiliornissaq aallartinneqarpoq.

Majuartarfiliortoqassaaq Ilimmarfimmut pisuinnaat atugaat pitsaanerulersinniarlugit. Maannakkut Ilimmarfimmut aqut Maliup eqqaani kaajallattarfimmiit pisarpoq aamma sinerlugu aqutikkut, tassani sangoriarnera takisooq pingaartumik pisuinnarnut sikkilertunullu navianaateqarsinnaavoq.

Sangoriaq takisooq sioqqullugu majuartarfiliornikkut taava pisuinnaat takisuumik aqqusinikkoornissaat pinngitsoortinneqassaaq aqullu naannerulerluni.

Qinngutsinni majuartarfiit uppissimasut

Allaffeqarfiup siunnersuisooq nalunaarfigivaa taanna siunnersuisup akisussaaffigigaa. Siunnersuisup majuartarfiit nutaat marluk pilersaarusiropai, taakkulu silamut akiuussinnaallutillu innuttaasunit isumannaatumik atornerqarsinnaassapput. Majuartarfiit siunnersuisup akiligaanik iluarsaanneqarnissaat naatsorsuutigineqassaaq.

Tasiilami inissiat nutaat

Tasiilami maannakkut immikkoortoq 30A11-mi sanaartorfissagissaasoqarpoq, tassanilu sanaartorfissat nutaat pingasut pilersinneqassapput, illullu uiguleriaatut isikkullit sananeqassapput. Sanaartorfissagissaaneq naatsorsuutigineqarpoq 2022-mi inaarneqassasooq, tamatumalu kingorna sanaartorfissani nutaanik inissialiortoqarsinnaalissaaq.

Upalungaarsimaneq – ilinniartitsinerit:

Iliusissat tunngaviusut, Tasiilami piffissami 09-08-2021-miit 20-08-2021-mut – tassani pikkorissartunit 13-init 11-t angusipput

Nunaqarfimmi atuuffiit pillugit ilinniagaqarneq Tasiilami massakkut ingerlanneqarpoq. 30-08-2021-miit 12-09-2021-mut – pikkorissartut 17-it tallimangornermi 12-09-2021 naammassissapput

Iliusissat tunngaviusut Ittoqqortoormiini oktobarimi 2021-mi ingerlanneqarnissaat kissaatigineqarpoq. Ilitsersuisussat angalanissamat periarfissarsiorput.

Atuuffiit pillugit ilinniagaqarneq Nuummi pilersaarutigineqarpoq piffissami sap. ak. 42-miit sap. ak. 45-mut – pikkorissartussat 16-it

Suleqatigiinnik aqutsisutut ilinniagaqarneq 2021 – pikkorissartut 5-it – 3-t naammassipput - 2-k sulii ingerlapput Iliuseqarnermi aqutsisutut illoqarfimmi – pikkorissartut 2-k

Ikuallattoornissamat teknikkimut tunngaviusumik ilinniagaqarneq (BGU) – pikkorissartut 5-t

Upalungaarsimaneq – Suliffimmut atatillugu DK-mut angalaneq piffissami 23/08 - 02/09

Suliniut Nordplus:

Suliffimmut atatillugu annaassiniartartuni aqutseqatigiit DK-mi angalanerannut atatillugu KBH-imi workshopertitsisoqarpoq. Suliniummi NordPlusimi illoqarfinni mikinerusuni nunaqarfinnilu ikiuigasuarmissamat upalungaarsimaneq pitsaanerulersinneqarnissaa siunertarineqarpoq, tassungalu atatillugu København Professionshøjskole-mit sulinermit qaaqquneqarpugut. Isumaqatigiissutigineqarpoq Tasiilami ajunaarsuaqarnissamat sungiusartoqassaaq piffissami oktobarip 03-niit 05-ianut. Politiit, Peqqinnissaqarfik, Mittarfeqarfiit, Polaroil, Hjørdis, Justus allallu sungiusarnermi peqataarusunnersut attavigineqassapput. Sungiusarneq København Professionshøjskole-mit isumagineqassaaq.

Qallunaat Nunaanni Upalungaarsimasut:

Qallunaat Nunaanni Upalungaarsimasut ataatsimeeqatigineqarput. Taakku kissaatigivaat (politikkikkut oqariartuut) nunani avannarlerni suleqatigiinnerup nukittunerulernissaa, tassunga atatillugu aningaasaliissutit. Ataatsimiinnermi oqaluuserisassaniippoq tamatumani qanoq suleqatigiittoqarsinnaanersoq. Taakkunani nammineq piumassutsimik sulisoqalernissaa kissaatigineqarpoq, hjemmевærnet-mut imaluunniit civilforsvaret-nut assingusumik. Utertitsissutigivarput Issittumi Sakkutooqarfiup suliniutaanut assingusooq innersuussutigalugulu assigiinnik ataatsikkut ingerlatsisoqannginnissaa. Danske Beredskab-nut siunnersuutigivarput soorlu illuaqqani ikuallattoornissamat upalungaarsimaneq imaluunniit imaani isumannaallisaaneq pillugu kampagne/ilinniartitsineq. Illuaraatileqatigiinni umiatsiaaraatileqatigiinniluunniit ataqatigiissarneqarsinnaavoq.

Midtjysk Beredskab:

Midtjysk beredskab pulaarneqarpoq, annaassiniarnermik upalungaarsimasunit nammineq piumassutsimik, ullup ilaannaani ullorlu tamaat sulisartut qanoq aaqqiivigineqarnersut takunissaa siunertaralugu. Taanna siunissami Nuummi atorqeersinnaanera pillugu isumassarsiorfiuvoq, Nuup nunaminertatigut annertusiartornera inuttoqqussutsikkullu amerliartuunnarnera politikkikkut oqaluuserisassaniippoq.

Svendborg maritim skole (Svendborgimi imarsiornermik ilinniarfik):

Svendborg Maritimskole (imarsiornermik ilinniarfik) pulaarneqarpoq, siunissami Nuummi umiarsuarni ikuallattoornissamik pinaveersaartitsinermik, Kalaallit Nunaanni Imarsiornermik Ilinniarfimmit aamma Sermersooq Qatserisartut-nit, pikkorissartitsinissap siunersiorneqarnissaa suleqatigiissinnaanerlu siunertaralugit. Kalaallit Nunaanni Imarsiornermik Ilinniarfiup Paamiuni neqeroortigivaa, kommunimullu saaffiginnissimapput pikkorissarnerup Nuummi ingerlanneqarnissaanut ikioqqullutik, tunngavilersuutigineqarpoq suliaassarfiup pikkorissarneq allami Paamiut pinnagu Kalaallit Nunaata avataani pinissaa toqqarmagu Nuummi Sisimiuniluunniit sulisut nikerartarnerat pissutigalugu.

Østjyllands Beredskab (Østjyllandimi upalungaarsimasut):

Østjyllands beredskab pulaarneqarpoq tassani Lystrupimi qatserisartoqarfissaaq misissuataarneqarpoq. Pulaarneq qatserisartoqarfiup mikinerusup aaqqissuunnissaanut isumassarsiornermik siunersioqatigiinnissamillu siunertaqarpoq. Isumassarsiorqarpoq Tasiilami Paamiunilu siunissami qatserisartoqarfiliortoqarnissaa eqqarsaatigalugu. Qatserisartoqarfiup ingerlasup nuunneqarnerata pilersarusiorneranut naammassineqarneranullu, ulluinnarni ingerlatsinermik annerusumik kalluinngitsumik, misilittakkanik saqqummiivigeqatigiittarnissaaq aamma isumaqatigiissutigineqarpoq. Taamatut iliortoqarpoq Nuummi nuunnissaaq eqqarsaatigalugu, tassani nuunneq ingerlatsinermit minnerpaamik sunniuteqassaaq.

Qarasaasiamut aqutsissutit C3-p atorqeersinnaanera pillugu isumasioqatigiinneq, nukissanik paasinninnissamat, ulluinnarni suliaasanut, illup iluani aamma nunap immikkoortuini taakkulu iluminni attaveqatigiinnermut/paasissutissiinnermut tunngatillugu.

Punkt 1: Nuummi paassaasivik nutaaq

Beslutning

Ilisimatitsissut tusaatissatut tiguneqarpoq.

Nuummi paassaasivik nutaaq

Ilisimatitsissut

SagsID.: ANL-2021-00006

Sanarfinermut Avatangiisinullu Ingerlatsivik – pisortaagallartoq Alex Nørskov /ALNS

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq.

Suliassamik saqqummiussineq

Nuummi paassaasiviit atorineqartut marluupput. Aappaa (paassaasivik 1) kommunimut pilersaarummut tapiliussaq 4D10-1-imi, Qinnigutta Siorarsiorfiullu akornani inissisimavoq. Immikkoortumi pineqarlutik Qinngorput, Ukkusissaq aamma illoqarfiup nutaartaa Siorarsiorfik. Sumiiffik pilersaarutaasumik atorineqalissappat paassaasiviup nuutinneqarnissaa piunasaqaataavoq.

Paassaasiviup aappaa (paassaasivik 2) Munckikkunnit Nuummi mittarfiup tallineqarneranut atatillugu pilersinneqartoq, Niaqornannguami (immikkoortup ilaa 4E1) mittarfiup avannamut kangiatungaani parnaarussiviup eqqaani inissisimavoq.

Paassaasivik 1-imut tunngatillugu inuusutissarsiorfinnut (Isuliffik, 4B5) aamma inissiaqarfinnut Pinguaraq 4A6) qanippallaalissaaq. Siorarsiorfiullu tungaanut aqqusineq sullorsuarlu paassaasivik 1-imut atatillugu isumannaallisaanermi killeqarfiup iluaniilissapput. Tamanna pillugu paassaasiviup maannakkut inissisimaffianiit peerlugu nuunneqarnissaa pisariaqarluinnarpoq.

Munchikkormiut paassaasivik 2-mik atuinera naatsorsuutigisat malillugit 2023-mi taamaatissasoq pilersaarutaqaarsimagaluarpoq, taavalu paassaasivik 1 atorunnaarlugu paassaasivik 2-mut nuunneqarluni Nuummi paassaasivik ataasinngortinneqassasoq.

Paasisinarsivorli paassaasivik 2-p atuinerneratigut Arctic Park kiisalu Kuanninnguani illuaqqanik pilersitsinissaq atuartunillu tammaarsimaartitsisarneq il.il. (immikkoortup ilaani 4D1) piviusunngortitsiniarnissamut akornutaassasoq. Qaartiterutissat pillugit Namminersornerullutik Oqartussat nalunaarutaat nr. 16, 16. juli 2007-imeersoq naapertorlugu paassaasivik 2-mut isumannaallisaanermi ungasissusissaq inissiaqarfinnut 1.380 meterinik aamma paassaasivik 2-p tungaanut aqquserngup aallartiffianut 460 mterimik naatsorsorneqarpoq.

Kuanninnguani pilersaarutit aamma Arctic Park siuliini taaneqartut piviusunngortikkusukkaanni, Munchikkormiut atugaat paassaasivik 2-mik atorunnaarsitsinissaq pisariaqassaaq, nutaamillu aalajangersimasumik paassaasivittut atugassamik sumiiffimmik nassaarnissaq.

Tamanna tunngavigalugu ingerlatsivimmiit maanna paassaasivik 1-imik 2-millu atorunnaarsitsinissamut periarfissamik nutaamik allamik misissuisoqassaaq, kingusinnerusukkullu politikikkut eqqartorneqarlunilu aalajangiiffineqassalluni.

Ingerlatsivimmit aningaasatigut sulisoqarnikkullu naliliinerit
Pisariaqanngilaq.

Suliffeqarfimmut Kiffartuussivimmit aningaasatigut naliliineq
Pisariaqanngilaq.

Inatsisitigut tunngavissaq allakkallu tunngaviusumik uppersaatitallit
Soqanngilaq.

Ilanngussat
Ilanngussartaqanngilaq.

Punkt 2: Nuuk Centerip allissutissaa

Beslutning

Ilisimatitsissut tusaatissatut tiguneqarpoq.

Nuuk Centerip allissutissaa

Ilisimatitsissut

SagsID.: ANL-2021-00006

Sanarfinermut Avatangiisinullu Ingerlatsivik – pisortaagallartoq Alex Nørskov /ALNS

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq aamma
- suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

2017-ip qiteqqunnerani Agerskov & Motzfeldt ApS Nuuk Centerimik allilerinermi peqataanissamut tunngasumik Kommuneqarfik Sermersuumut saaffiginnippoq. Suleqatigiissitaliortoqarpoq, taassuma siunnersuusioreq tassungalu ilanngullugit angallannermi naapertuutinningsunut kiisalu nioqqutissanik tunniussiniartarnermi pitsanngorsaatissarsiornermut tunngasut. Allissutaani inimi allermi tassaanerussallutik biilnut inissiisarfii kiisalu niuertarfik/neriniartarfik/cafe ataaseq marlulluunniit. Inini quleriiaani siulleq assigiinningsunik niuertarfeqassaaq aamma quleriit aappaanniit arfineq pingajuannut inissiaqarlunilu allaffeqarfeqassaaq.

Siorarsiorfik - Nuuk City Development A/S 2017-imi ukiakkut pilersinneqarmat kommunip pilersaarummut peqataaneq ingerlatseqatigiiffimmut tunniuppaa, taamaalilluni taanna pilersaarummik suliaqartunngorluni. Nuuk Centeri inerisarnissaanut ilusiliussaaqqaartoq aallaavigalugu suliaq ingerlateqqinneqarpoq. Ima paasillugu MT Højgaard Grønland ApS sanaartortitsuulluni kingornalu aningaasaliiumaartunut arlalinnut sanaartortitsuuneq tunniunneqassalluni. Pilersaarusionertaa KHR-ip illussanik titartaasartutut tigummivaa Orbiconillu sanaartornermi siunnersuinermit tunngasortai. 2018-imi MT Højgaardip pilersaarutip akissaanut tunngasut missiliuusersorpai, C-millu missiliuusiaat 280.000 mio. koruunit pallillugit annertussusilerneqarpoq.

Aningaasaliissuteqartunik suleqatiginninnissaq pillugu Byggekonsoortiet Narsarsuaq I/S marsip 14-ianni 2019-imi pilersinneqarpoq, marlunnik peqataasoqarluni, Siorarsiorfik - Nuuk City Development A/S aamma Agerskov & Motzfeldt ApS.

Pilersaarut marsip 12-ianni 2019-imi kommunalbestyrelsip inaarutaasumik akuersissutigaa aamma aggustip 27-anni 2019-imi kommunalbestyrelsip kommunimut pilersaarummut tapiliussaagakuersissutigalugu.

Pilersaarutip suliarinera ineriartorteqqinneralu suliarineqarput aamma 2019-imi US Embassy-mit (Nuummi Amerikamiut Konsuleqarfianit) saaffiginnissut tiguneqarluni, paaserusullugu konsuleqarfiup Nuuk Centerip allissutaani allaffeqarfimmi il.il. attartornissamut periarfissaqarnersoq. Saaffiginnissut tigulluarneqarpoq, pilersaarutitullu siunnersuummi konsuleqarfiup pisariaqartitai ilanngunneqarlutik.



C-mik missiliuusiaq 2019-imi ukiakkut nutarterneqarpoq, tassa sanaartorneq 460 mio. koruuninik akeqassanganneqalermat, tamannalu ajornartorsiutinngorsinnaavoq, allissutaanimi kvadratmetererpassuupput (biilinut inissiisarfik, isertarfiit, centerip pioreersup allannortiterneqarnera, gangit il.il.) tuniniarneqarsinnaanngitsut, taamaattumillu kvadratmeterinut tuniniarneqarsinnaasunut, niuertarfinnut il.il. artukkiititsisinnaallutillu akitsorsaataasinnaasut.

Tamatuma kingunerisaanik aalajangerneqarpoq, suliassaq suliariumannittussarsiuunneqassasoq, taamaalilluni MT Højgaardimik suleqateqarneq taamaatinneqarluni.

Suliariumannittussarsiuussinermi atortussat sularineqarput, suliassamillu neqeroortitsineq 2021-mi upernaakkut aallartinneqarluni.

Suliariumannittussarsiuussinerulli inernerajoraluartumik annertuallaarmat unitsiinneqarpoq, Byggekonsoortiet Narsarsuaq I/S-illu nunaminertamik atugassiissut kommunimi nunaminertamik suliaraqfimmu utertiinnarlugu namminerisamillu aalajangikkamik ingerlatseqatigiiffik unitsiinneqarluni.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmu Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitalit

Soqanngilaq.

Ilanngussat

Ilanngussaqaanngilaq.

Punkt 3: Najugaqatigiiffik Niels Hammekensvej 51, 3900 Nuuk

Beslutning

Nunaminertamik atuinissamik qinnuteqartoq inissiaqarfimmi pineqartumi najugaqatigiiffimmik pilersitsinissamut akuersissuteqarfigineqassasoq ataatsimiititaq aalajangerpoq.

Bilag

Allakkat tusarniaassutit

Tusarniaanermi akissutit

Inissisimaffia



Najugaqatigiiffik Niels Hammekensvej 51, 3900 Nuuk

Ilaqutariit ataatsit illuata meeqqanut 0-imiit pingasunut ukiulinnut najugaqatigiiffittut atorneqarnissaanut allanngortitsineq

Aalajangiiffigisassaq

SagsID.: BOG-2021-03880-001

Sanarfinermut Avatangiisinullu Ingerlatsivik – pisortaagallartoq Alex Nørskov /ALNS

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamat inassuteqaatigaa:

- nunaminertamik atuinissamik qinnuteqartoq inissiaqarfimmi pineqartumi najugaqatigiiffimmik pilersitsisinnaanersoq ataatsimiititap aalajangiiffigissagaa

Suliassamik saqqummiussineq

Ilaqutariit ataatsit illui najugaqatigiiffittut atorneqarsinnaanersut apeqquteqaatigineqartartoq Ingerlatsivimmi maluginiarneqartarpoq. Kingullertigut Mælkebøtten meeqqanut arfineq-pingasunut 0-imiit pingasunut ukiulinnut najugaqatigiiffimmik pilersitsiniarluni kissaateqarpoq.

Illu apeqquteqaatigineqartoq, Niels Hammekensvej 51-imi inissisimasoq, kommunimut pilersaarut naapertorlugu immikkoortoq A-tut pilersaarutigineqarpoq: inissiaqarfissat.

Meeqqanut arfineq-pingasunut 0-imiit pingasunut ukiulinnut najugaqatigiiffik pineqarpoq. Najugaqatigiiffimmi amerlanerpaamik meeqqat arfineq-pingasut inersimasullu marluk unnuisartussaapput. Illup silataa allanngortinneqassanngilaq. Ingerlatsiviup nalilerpaa, suliassat illumik atuinissamat qinnuteqaatigineqartut, ilaqutariinnit amerlasuunit atorneqarnissaanisut allaaneruallaanngitsoq.

Pilersaarusiornermut inatsit naapertorlugu immikkoortumi A-mi najugaqatigiiffiornissamat akuersisoqarsinnaavoq, saniliani najugallit annertunerusumik akornusersunnginnissaat qulakkeerneqarsinnaappat. Sumiiffimmi najugalinnut najugaqatigiiffik akornusersuutaassanersoq imaluunniit akornusersuutaassannginnersoq eqqarsaatigalugu apeqqutaassaaq, najugaqatigiiffik qanoq ittoq pineqarnersoq, suliffeqarfiup atuuffia aammalu ingerlanneqarnera tassaassapput najugaqatigiiffimmi apeqqutaanerpaassusat. Niels Hammekensvej inissiaqarfiummat anginngitsoq, illut sanilerisat tusarniarneqarnissaat ingerlatsiviup toqqarpaa.

Tusarniaanermut akissutit susassaqtartunit katillugit marluk piffissaq eqqorlugu tiguneqarput. Tusarniaanermut akissuteqaatini marlunni tunngavilersuutigineqarpoq, inissiaqarfimmi suliffeqarfimmik ingerlatsisoqarsinnaanngitsoq, illumi najugallit suliffeqarfimmik ingerlatsisuussanngippata. Ingerlatsiviup erseqqissaatigaa, suliffeqarfimmik ingerlatsisoqarsinnaasoq, najugaqartoqartillugu - assersuutigalugu attartortitsisartunit Iserit il. il assigalugu. Taamaattumik najugaqarfimmi najugaqatigiiffimmik pilersitsisoqarsinnaavoq.

Ingerlatsiviup nalilerpaa, sumiiffimmi najugaqarfittut isikkoq attatiinnarneqassasoq, meeqqanut arfineq-pingasunut najugaqatigiiffimmik pilersitsisoqarnissaa akuersissutigineqassappat.

Ingerlatsivimmit aningaasatigut sulisoqarnikkullu naliliinerit

Aningaasatigut sulisoqarnikkullu kinguneqassanngilaq.

Suliffeqarfimmut Kiffartuussivimmit aningaasatigut naliliineq



Pisariaqangilaq.

Inatsisitigut tunngavissaq allakkallu tunngaviusumik uppersaatitalit

- Inatsisartut inatsisaat nr 17, 17 november 2010-meersoq (Pilersaarusiortarnermut inatsit) kiisalu
- www.sermersooq.gl (Kommuneplan)
- 1A2 Niels Hammekensvejimi inissiaqarfik

Ilanngussat

1. Allakkat tusarniaassutit
2. Tusarniaanermi akissutit
3. Inissisimaffia

Punkt 4: Ulloq unnuarlu najugaqarfik Isaajap Aqq 16, 3900 Nuuk

Beslutning

Najugaqarfiup takusarneqareernerani, najugaqarfik soorlu nipiliornerunikkut artukkerneqarlunilu angallaffiunikkut eqqaamiunut ajoqusersuiffiussanngitsoq, kiisalu biiliniq unittarfinnik amerlanerusunik pisariaqartitsiffiussanngitsoq nalilerneqarpoq, taamaattumillu najugaqarfik kommunalbestyrelsimit inissiaqarfittut A-tut akuersissuteqarfigineqarnissaminut piumasaqaatinik naammassinnilluni.

Massakkut najugaqarfiusoq annerpaamik inunnit sisamanit najugaqarfissatut ukiuni marlunnik killilimmik immikkut akuerineqarpoq, tassanilu najugaqatigiiffik pineqartoq inaarutaasumik akuersissuteqarfigineqassanersoq naliliiffineqaaqqikkumaarpoq.

Bilag

Allakkat tusarniaassutit

Tusarniaanermi akissutit

Sumiinnera



Ulloq unnuarlu najugaqarfik Isaajap Aqq 16, 3900 Nuuk

Ilaqutariit ataatsit illuata ulloq unnuarlu najugaqarfinngorlugu allanngortinneqarnissaa

Aalajangiiffigisassaq

SagsID.: BOG-2020-25017-001

Sanarfinermut Avatangiisinullu Ingerlatsivik – pisortaagallartoq Alex Nørskov / ALNS

Inassuteqaat

Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- nunaminertamik atuinissamik qinnuteqartoq inissiaqarfimmi pineqartumi ulloq unnuarlu najugaqarfimmik pilersitsisinnaanersoq ataatsimiititap aalajangiiffigissagaa

Suliassamik saqqummiussineq

Qinnuteqartoq ataatsimeeqatigereerlugu, suliap uuma suliareqqinneqarnissaa kissaatigineqarpoq.

Ilaqutariit ataatsit illui ulloq unnuarlu najugaqarfittut atorneqarsinnaanersut apeqquteqaatigineqartartoq Ingerlatsivimmi maluginiarneqartarpoq. Kingullermik KT-Ejendomme Nuuk A/S-ip kissaatigisimavaa lisaajap aqqutaa 16-imi meeqqanut tallimanut 8-niit 18-nut ukiulinnut ulloq unnuarlu najugaqarfinngortinneqassasoq.

Illu apeqquteqaatigineqartoq, Isaajap Aqq 16 (Ilanngussaq 3) kommunimut pilersaarut naapertorlugu immikkoortoq A-tut atugassiissutigineqarpoq: inissiaqarfissaq.

Meeqqanut tallimanut 8-niit 18-nut ukiulinnut ulloq unnuarlu najugaqarfik pineqarpoq, tassanilu amerlanerpaamik meeqqat tallimat inersimasullu marluk najugaqarsinnaassapput. Illup silataa allanngortinneqassanngilaq. Illup atornissaanik qinnuteqaateqarnermi suliassat allaaserineqartut eqqarsaatigalugit, ilaqutariit ataatsit illuata atorneqartarneranit allaanerunngitsut nalilerneqarpoq.

Inissiaqarfiit illullu saniliiniittut tusarniaaffigineqareerput. Akissuteqaatit arfinillit pissarsiarineqarput, taakkunannga sisamat qanittumi eqqaamiorineqarput, sinnerilu pingasut liminami najugalinnit pissarsiarineqarput (ilanngussaq 3).

Pilersaarusiornermut inatsit naapertorlugu immikkoortumi A-mi ulloq unnuarlu najugaqarfiliornissamut akuersisoqarsinnaavoq, saniliani najugallit annertunerusumik akornusersunnginnissaat qulakkeerneqarsinnaappat. Sumiiffimmi najugalinnut ulloq unnuarlu najugaqarfik akornusersuutaassanersoq imaluunniit akornusersuutaassannginnersoq eqqarsaatigalugu apeqqutaassaaq, ulloq unnuarlu najugaqarfik qanoq ittoq pineqarnersoq, suliffeqarfiup atuuffia aammalu ingerlanneqarnera tassaassapput najugaqarfimmi apeqqutaanerpaasussat. Isaajap aqqutaa najugaqarfiummat annertunngitsaq, ingerlatsiviup aalajangerpaa sanilerisanut tusarniaasoqassasoq.

Tusarniaanermi akissutit arfinillit pissarsiarineqarput, taakkunannga marluk sanilerisanit qaninnernit tusarniaaffigineqarsimasunit akissuteqaataallutik. Tusarniaanermi akissuteqaatini tallimani tamanit erseqqissaassutigineqarpoq inissiaqarfiusoq, aammalu ulloq unnuarlu angerlarsimaffik angallattoqarnerulerneranik, nipiliortoqarnerulerneranik, eqqakkanillu maangaannaq eqqakkat annertunerulerneranik kinguneqassasoq.

Ingerlatsiviup sumiiffik inissiaqarfittut atorneqarnissaa aaliangiusimavaa, ulloq unnuarlu angerlarsimaffiit sumiiffiup immikkoortup allannguuteqarneranik kinguneqassamat.



Aappaatigut ingerlatsiviup ajornartorsiutaat paasilluarsinnaavaa, taamaattumillu ingerlatsiviup Sanarfinermut Avatangiisinullu Ataatsimiititamut pineqartoq eqqartortikkusuppaa inaarutaasumillu aalajangeeqqullugu.

Aalajangiineq akuersinerussaaq - imaluunniit qinnuteqartup qinnuteqaataanik itigartitsinerussalluni.

Ingerlatsivimmit aningaasatigut sulisoqarnikkullu naliliinerit

Aningaasatigut sulisoqarnikkullu kinguneqassanngilaq.

Suliffeqarfimmut Kiffartuussivimmit aningaasatigut naliliineq

Pingaaruteqanngilaq.

Inatsisitigut tunngavissaq allakkallu tunngaviusumik uppersaatitalit

- Inatsisartut inatsisaat nr 17, 17 november 2010-meersoq (Pilersaarusiortarnermut inatsit)
- Sermersooq2028.gl (Kommunimut pilersaarut)
- 1A6 Qaqortoq & Avannarliit, Nuuk

Ilannussat

1. Allakkat tusarniaassutit
2. Tusarniaanermut akissutit
3. Sumiinnera

Punkt 5: Kulusummut automobilspøjtemik nutaamik pisineq

Beslutning

Suleqatigiit Inuit Ataatigiit aamma Demokraatit pisinissaq 2022-mut kinguartissallugu aalajangerput.

Ikinnerussuteqartutut oqaaseqaat Siumumit: Nunaqarfimmi isumannaallisaaneq eqqarsaatigalugu ukioq manna pisisoqartariaqarpoq (2021).

Bilag

Titartakkat - standard Berco bælteketøj qanoq ittuuneranik takussutissaq



Kulusummut automobilsprøjt看ik nutaamik pisineq

Aalajangiiffigisassaq

SagsID.: EMN-2021-00323 aktID 9

Sanarfinermut Avatangiisinullu Ingerlatsivik – pisortaagallartoq Alex Nørskov /ALNS

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Kulusummut automobilsprøjt看ik nutaamik pisineq pillugu ilisimatitsissut tusaatissatut tiguneqassasoq
- ilassutitut aningaasaliissuteqarnissat pingajussaanni sammineqarnerani suliaq saqqummiunneqassasoq

Suliassamik saqqummiussineq

Atortut nalinginnaasut sulisullu amerlassusaat pillugu kaajallaasitaq nr. 1, 15. marts 1994-imeersoq naapertorlugu Kulusuk gruppe 4-mi inissisimavoq, tamannalu ilaatigut pillugu nunaqarfik automobilsprøjt看ik peqartussaavoq.

Automobilsprøjt看iqarnissaanut piunasaqaateqarnermut ilaatigut pissutaavoq, kommunimi upalungaarsimasut Kulusummi mittarfiup saniatigut aamma allanik suliassaqaarmata. Taamaattumik angallassissutit Upalungaarsimasut Kulusuup nunaqarfittaviani pinaveersaartitsinermi, killilersuinermi aammalu inuit, illut avatangiisillu ajoquserneqannginnissaannik suliaasa saniatigut, taava angallassissut taanna mittarfimmi upalungaarsimatitsinermut tamakkiisumik aamma atuuffeqarpoq. Taamaasilluni Kulusuk kommunimi nunaqarfinnut allanut sanilliullugu allaanerussuteqarpoq.

Kommuneqarfik Sermersuumi upalungaarsimasut Kulusummilu automobilsprøjt看ip maannakkut pigineqartup taarserneqarnissaanut periarfissanik piffissami sivisuumi pisariaqartitaminnik qulaajaaffigineqarput. Qatserisartut biiliat taanna 1995-imeersuuvoq, aammalu pisoqaanera, ajorsisimanagera taartissaqartannginneralu pissutigalugu taarserneqartariaqalerpoq. Tamannarpiarlu pissutigalugu taarserneqarnissaa aamma pingaarnerpaatinneqarpoq.

Nutaamik angallassissutitaarnissamik suliaqarnermi, periarfissat arlallit qimerloorneqarsimapput, kisiannili Kulusummi pissutsit pissutigalugit, aperujussuarternera, aputaajaasernerup killeqarnera, aqutilunnera aammalu nunaqarfimmiit mittarfiup tungaanut ungasiartuunera pissutigalugit, angallassissummut tassunga allaanerusumik pissarsiniarnissaq ajornakusoorsimavoq.

Angallassissut nutaaq:

Angallassissut nutaaq tassaavoq bæltekeretøji, maannakkut pigineqartup assinga. Bæltekeretøje taanna saqqummersitaanikuuvoq, 2018-imilu tunisassiarineqalerluni, taamaattumillu pisiniarinissaanut sipartoqassaaq.

Naleqqussaasoqassaaq atortuulu ilaneqassallutik, taamaasilluni angallassissut Kulusummi upalungaarsimasut pisariaqartitaannut naleqqussarneqarniassamat.

Naleqqussaanerit atortuisalu ilanissai Tasiilami upalungaarsimasut ituata Kulusummilu qatserisartut ituata oqaloqatiginerisigut pissaaq.



Ingerlatsivimmit aningaasatigut sulisoqarnikkullu naliliinerit

Pisiniarnissamut pilersaarut naapertorlugu, Kulusummi angallassissummik pisinissaq aatsaat 2023-mi pisussatut pilersaarutigineqarpoq, kisianni taarserneqarnissaanik pisariaqartitsineq annertunerusoq paasineqarsimavoq, taamaattumillu pingaarnepaangortinneqarluni. Tamatuma saniatigut maannakkorpiaq saqqummersitaasimasumik pisinissarput periarfissaalerpoq, taamaalillutalu aningaasanik sipaarluta.

Tamanna tunngavigalugu Ingerlatsiviup kissaatigaa, angallassissutip aningaasalersorneqarnissaa pissasoq Upalungaarsimasunut aningaasaliissutit 2023-miit 2021-mut nuutinnerisigut.

Suliniutip ilisarnaataa: A00-110101-001

Siunertaq 1101014005 - Upalungaarsimasunut immikkoortumut pilersaarut

Aningaasartai 2.4 mio.

Suliffeqarfimmut Kiffartuussivimmit aningaasatigut naliliineq

Automobilsprøjtemik nutaamik pisinissaq akuersissutigineqassappat Sanarfinermut Avatangiisinullu Ingerlatsiviup 2021-imi kvartalit pingajuanni ilassutitut aningaasaliissuteqarnissat pingajussaanni amerlanerusunik aningaasaliiffigineqarnissaq qinnuteqaatigaa. Taamaasilluni 2021-mut sanaartugassanut missingersuutit 311,7 mio kr.-niit 314,1 mio kr.-nut amerlineqassapput.

2023-miit 2021-mut aningaasaliissutit allanngortinneqarnissaat isumatusaarnertut nalilernerqarpoq, atortunik nutaanik pisariaqartitsisoqalereersoq ingerlatsiviup nalilermagu.

Inatsisitigut tunngavissaq allakkallu tunngaviusumik uppernarsaatitalit

- Kalaallit Nunaanni annaassiniarnissamut upalungaarsimaneq aamma ikuallattoornissamut qaartoonissamullu pitsaaliuineri iliuusissat pillugit Inatsisartut inatsisaat nr. 14, 26. maj 2010-meersoq (maannamiit "Upalungaarsimaneq pillugu inatsit")
- Inatsisartut inatsisaata 2010-meersup allannguuteqartinneqarnissaanik Inatsisartut inatsisissaannut nr. 14, 3. december 2012-imeersoq
- Nalinginnaasumik qatseriartortarnerit sulisullu amerlassusilerneqarnerat pillugit kaajallaasitaq nr 1 marsip ulluisa 15-ianni 1994-imeersoq

Ilanngussat

1. Titartakktat - standard Berco bæltekorretøj qanoq ittuuneranik takussutissaq

Punkt 6: Aqqaluup aneerasaartarfia

Beslutning

Inassuteqaat akuersissutigineqarpoq.

Bilag

Aqqaluup Aneerasaartarfia - Ummarissaqqinneqarnissaanut iliuusissatut pilersaarut

Aqqaluup aneerasaartarfia

Uummarissaqqiinermi iliuusissatut pilersaarut

Aalajangiiffigisassaq

SagsID.: EMN-2021-13846

Sanarfinermut Avatangiisinullu Ingerlatsivik – pisortaagallartoq Alex Nørskov / ALNS

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Aqqaluup aneerasaartarfia uummarissaqqinnissaanut iliuusissatut pilersaarutit siunnersuut akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutit ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsiviup matumuuna saqqummiuppaa Aqqaluup Aneerasaartarfia uummarissaqqinneqarnissaanut iliuusissamik pilersaarut. Aqqaluup aneerasaartarfia Nuummi oqaluttuarisaanikkut attuumassuteqarlunilu ornigarluarneqartartuni pingaaruteqartuuvoq. Kalaallit Nunaanni illoqarfinni parkituaasut ilaattut, Nuup illoqarfissuannorsaleruttornerani oqaluttuarisaanermullu tunngasuunerani sukisaarsartarfittut pingaaruteqarpoq. Illoqarfiup qorsooqqissortaqarfia illoqarfiup nutaartaanut pisinnaat aqutigisartagaannut Imaneq-mut pisoqartaanullu Nuutoqqamut kulturikkut atatitsisutut atuuffeqarpoq. Parkimi pisinnaat, meeqqat pinnguartut, eqqumiitsulianik saqqummersitsivittut aammalu utaqqiisaasumik aqqissuussinernut aqqusaarneqartarfiuvoq.

Parkip maannakkut pitsaaqutai suli qorsooqqissumi sukisaarsarfissaqqiffeqarput, uninngaarfiusinnaasunik, timimik aalatitsiffiusinnaasunik pinnguarfiusinnaasunik, kulturikkut aqqissuussinernik timersornermillu pisoqarfiusinnaallutik. Holmit illuata isaterneqarnissaanut uiggiutit, aneerasaartarfiup atuuffii kusassarniarneqarput ersarissarneqarniarlutillu. Iliuusissatut pilersaarutissatut siunnersuummi matumani arlalinnik suliassaqarpoq, annertuunik annikinnerusunillu, Holmikkut Illuata taassumalu ungataani nunaminertani ataqatigiinnerulersitsisussanik, aneerasaartarfilla uummarissarniarneqarpoq, pitsaaqutaasut pioreersut oqaluttuarisaanermullu tunngassuteqartut ersarissarnerisigut.

Iliuusissatut pilersaarummi suliassat arlallit immikkoortunut pingasunut agguataakkat siunnersuutigineqarput:

1. immikkoortoq:

- Aqquteeqqat pioreersut iluarsaannissaat sinaavi cortenstálinik ikkussuiffiginerisigut
- Parkimi qaammaqqusersuinissaq

2. immikkoortoq

- Pinnguartarfiliornissaq

- Issittup naatsiiviisa uummarissarneqarnissaat
- Issiaartarfissanik pilersitsineq

3. immikkoortoq

- Holmit Illuata naatsiiviata nutarterneqarnissaa

Aqqaluup aneerasaartarfia kommunimut pilersaarummi 2032-mi qitiutinneqartussatut toqqarneqarnikuvoq. Kommunimut pilersaarummi ilaatigut siunertaavoq illoqarfiup pinngortitallu akornanni ataqatigiissitsinissamik qulakkeerisoqarnissaa, taamaasilluni Nuuk illoqarfittut qorsuusutut pilerinartutullu innuttaasut sukisaarsarfissaqarfittut nittarsaanneqarniassamat. Siunnersuut innuttaasunik peqataatitsiffiusussaavoq, workshoppit aammalu kommuneqarfiga aqqutigalugit kiisalu parkip annertuumik nalunaarsuiffigineratigut. *Naalagaaffiit Peqatigiit nunarsuaq tamakkerlugu anguniagaat*



ANGUNIAGAQ 11: Illoqarfiit najukkamilu inuiaqatigiit piujuartitsisut

- Iliuusissatut pilersaarummi qulakkeerneqassaaq illoqannginnersaqalissasooq qorsuusumik nungullajasuunngitsumik, nikerartunik atuuffeqartussaq piffissallu ingerlanerani ineriartortitassaq.

- Pilersaarummi qulakkeerneqassaaq, kikkut tamat isumannaatumik angallassinnaajuarnissaat illoqarfimmilu sukisaarsarfissaqqissuni atuisinnaanissaat.



ANGUNIAGAQ 12: Akisussaassulimmik atuineq nioqqutissiornerlu-

Pilersaarummut tapiliussap sanaartugaq patajaatsunik, nungullariartoratik piffissap ingerlanerani kusatsikkiartortartunik, sananeqarnissaat qulakkiissavaa.

Ingerlatsivimmit aningaasatigut sulisoqarnikkullu naliliinerit

Aqqaluup Aneerasaartarfiaata uummarissaqqinneqarnissaanut iliuusissamik pilersaarut akuersissutigineqassappat akinik missiliuutitalerlugit Sanarfinermut Avatangiisinullu ingerlatsivik neqeroortitsissaaq. Taamaattumik maannamut pilersaarummut missiliuussisoqarsinnaanngikkallarpoq.

Suliffeqarfimmu Kiffartuussivimmit aningaasatigut naliliineq

Massakkut kommunip sanaartornermut missingersuutaani Nuummi aneerfiusinnaasut illoqannginnersallu uummarissarneqarnissaanut aningaasaliissuteqartoqarnikuunngilaq. Taakkununga aatsaat 2023-mi missingersuutini aningaasaliisoqarpoq. Pilersaarut siusinnerusukkat aallartinneqassappat aningaasartassai nassaarineqassapput 2022-mullu missingersuusiornermut atatillugu pingaarnersiornermi sallinneqassaaq.

Inatsisitigut tunngavissaq allakkallu tunngaviumik uppersaatitalit

- o Kommunimut pilersaarut digitaliusoq - <https://kp.sermersooq.gl/>



Ilangussat

1. Aqqaluup Aneerasaartarfiata - Uummarissaqqinneqarnissaanut iliuusissatut pilersaarut

Punkt 7: Iggiaani biilnut unittarfik

Beslutning

Tamakkiisumik pilersarusiortoqassasoq suliarlu Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq ataatsimiititaq aalajangerpoq.

Bilag

Nunataani pilersaarut

C-nut missingersuutit

Iggiaani biilnut unittarfik

Innuttaasunit siunnersuut

Aalajangiiffigisassaq

SagsID.: EMN-2021-13794

Sanarfinermut Avatangiisinullu Ingerlatsivik – pisortaagallartoq Alex Nørskov /ALNS

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- sanaartornermut missingersuutini 2022-moortuni biilnut unittarfiliornissaq missingersuusiami salliunneqassanersoq imaluunniit tassani aqqusinikkut angallannikkut pissutsit tungaasigut tamakkiisumik pilersaarusiortitsinissaq ataatsimiititamit isummerfigineqarnissaa inassutigineqarpoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Nuummi Iggiaani biilnut unittarfiliortoqarnissaa, innuttaasumit siunnersuutigineqartoq, 300-nit taasissutigineqarsimavoq. Matumuunalu ingerlatsiviup tassunga periarfissat misissussallugit. Siunnersuummi tunngaviusumik pineqartoq tassaavoq, "putorsuup silataani illuatungaanilu qaqqat ilaat qaartitilaaraanni, Hokus Pokus, biilnut unittarfiliortoqarsinnaavoq, Iggiaanit qummut ammallu ingerlaffissalerlugit"

Iggiaani Godhåb Bådforeningeniata eqqaani puttasut nalaanni biilnut unittarfiup iliuuseqarfiginissaa annertuumik unammilligassaasoq ingerlatsiviup takusinnaavaa. Inissaqarluartumilli biilnut unittarfiliornissamat iliuusissat "qaartiterilaaginnarneq"-miik annertunerunerat erseqqissarneqassaaq, kiisalu annertuumik aningaasartuuteqarfiunissaa naatsorsuutigineqarsinnaalluni.

Biilnut unittarfiup qanoq sananeqarsinnaaneranut ingerlatsivik siunnersuusiortitsinikuuvoq, kiisalu tassunga aningaasartuutissanut C-mut missingersuutit.

Putorsuup isertarfiata kujataatungaaniit teqqorissumik Iggiaanullu 60°-imik sammiveqartumik biilit unittarnissaat siunnersuummi tunngavigineqarpoq. Allatut angallannikkut sillimaniarneq eqqarsaatigalugu innersuusiortoqassanngippat taamaaliornerep uniffissat amerlanerpaaffissaaniitissinnaavai. Taamaaliornissaq siunissami putorsuup allilerneqarnissaanut angallannikkullu aaqqiissutissanut unammilligassanut attuumassuteqalissaaq, aamma Qeqertat maanna ineriartortinneranut attuumassuteqalissalluni.

Biilnut unittarfissatut ukiukkullu umiatsianut qaqitsivissatut nunaminertat annertuut tunniunneqarnikuuneri, taakkulu atornerqarneri aqqissuulluarneqarnerusinnaaneri eqqaarusunnartoq, kisianni umiatsiaatilinnut peqatigiiffiup tamanna suliassaqarfigigaa, ingerlatsiviup erseqqissaatigissavaa. Tassunga atatilluguttaaq eqqaaneqassaaq, ujaraaqqanik aqqusinniaq kujataaniittoq umiatsiaatillit peqatigiiffiata aserfallatsaalinissaa akisussaaffigimmagu. Kommunip akiligaanik biilnut unittarfiliortitsisoqassappat akisussaaffeqarfissat ersarissumik isumaqatigiissusiorneqassappat.

Kommunip pilersaarussiaani aalajangersakkat malillugit Iggiaata Nuussuullu akornanni qaqqat nunaminertat sukisaarsaarfittut inissinneqarsimapput. Taakkunani qaqqani sukisaarsaarfinni isikkoq silallu pissusaani tappiorannartunut pingaartitat attuumassuteqarput, silaannarmi naggorissuseq uumassusillillu piujuarnissaminnut ataqatigiinnerat - qanorluunniit annikitsigigaluarpat. Taamaammat kommunip pilersaarutaaniit siunnersuut akuersissutigineqaqqaartariaqarpoq.

Unammilligassat aningaasartuutissallu eqqaaneqareersut tunngavigalugit, putorsuup allilernerqarnissaa maanna NCD-mit suliaasaqarfigineqartoq paasilluarneqareerpat, siunissamut ungasinnermut aaqqiissuutissanik tamakkiisumillu pilersaarusiornissaq ingerlatsiviup innersuussutigaa. Ajornartorsiummut tassunga maannakkorpiaq siunissamilu tamakkiisumik iluaqutaasinnaasumik aaqqiissutaagallarsinnaasumik pilersitsisoqarsinnaanersoq ingerlatsiviup qimerluussavaa.

Ingerlatsivimmit aningaasatigut sulisoqarnikkullu naliliinerit

Innuttaasumit siunnersuusiap misissornerani ingerlatsiviup missingersuutaanut siunnersuinermit akissarsiaritinneqartunut atuinertaqangaatsiarpoq, kisianni ukiumut missingersuutini aningaasartuutissatut inissitat qaangerneqanngillat.

Biilnut unittarfiornissaq siunnersuutigineqarneratut pilersinneqassagaluarpat sanaartornermut missingersuutinit 11 mio. missaat aningaasartuutigineqassapput (llanngussaq C-nut missingersuutit takuuk)

Suliffeqarfimmut Kiffartuussivimmit aningaasatigut naliliineq

Iggiaani biilit unittarfianik pilersitsinissamut kommunip sanaartornermut missingersuutaani aningaasanik immikkoortitsisoqarnikuunngilaq. Tamatuma saniatigut kommunimit sullorsuup allilernissaanut pilersaarutaareersumut siunissamilu angallannernut aaqqiissutissanut naleqqussarneqarnikuunngimmat biilnut unittarfiinik pilersitsinissaq innersuussutigineqarsinnaanngilaq.

Inatsisitigut tunngavissaq allakkallu tunngaviusumik uppersaatitalit

- Pilersaarusiorneq aamma nunaminertat atornerqartarnerat pillugit Inatsisartut inatsisaat nr. 17, 17. november 2010-meersoq aamma
- Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

llanngussat

1. Nunataani pilersaarut
2. C-nut missingersuutit

Punkt 8: Nuup illoqarfiani aqquserngit qallunaatut taaguusersorneqarsimasut allangortinneqarnissaanut innuttaasumit siunnersuut

Beslutning

Innuttaasumit siunnersuutip itigartitsissutigineqarnissaanik inassuteqaat akuersissutigineqarpoq, aamma Aningaasaqarnermut Inuussutissarsiornermullu Ataatsimiititamut ilisimatitsissutitut kiisalu Kommunalbestyrelsimut akuersissutigisassanngorlugu ingerlateqqinneqarluni.

Bilag

Innuttaasumit saaffiginnissut

Nuup illoqarfiani aqquserngit qallunaatut taaguusersorneqarsimasut allanngortinneqarnissaanut innuttaasumit siunnersuut

Innuttaasup aqquserngit qallunaatut taaguusersorneqarsimasut allanngortinneqarnissaat pillugu Sumiiffiit aqqusernillu taaguutaannik siunnersuisoqatigiinnut saaffiginnissutaa

Aalajangiiffigisassaq

SagsID.: EMN-2021-14351

Sanarfinermut Avatangiisinullu Ingerlatsivik – pisortaagallartuq Alex Nørskov /ALNS

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Sumiiffiit aqqusernillu taaguutaannik siunnersuisoqatigiit innuttaasumit aqquserngit taaguutaasa allanngortinneqarnissaanut siunnersuutip itigartitsissutigineqarnissaanut innersuussutaa akuersissutigineqassasoq
- suliaq Aningaasaqarnermut Inuusutissarsiornermullu Ataatsimiititamut ilisimatitsissutitut kiisalu Kommunalbestyrelsimut aalajangiiffigisassanngorlugu ingerlateqqinneqassasoq

Suliassamik saqqummiussineq

Sumiiffiit aqqusernillu taaguutaannik siunnersuisoqatigiit innuttaasumiit saaffigineqarput. Siunnersuisoqatigiit innuttaasumit saaffigineqarput. Saaffiginnissut siunnersuisoqatigiinnut Nuummi aqquserngit aqqi qallunaatut taaguuteqartut, soorlu Kongevej, Ceresvej, Børnehjemsvej il.il. kalaallisut taaguusersorneqarnissaat taamatuttaa allagartalersorneqarnissaat noqqaassutigai.

Sumiiffiit aqqusernillu taaguutaannik siunnersuisoqatigiit siunnersuut sammisimavaat, Sanarfinermut Avatangiisinullu Ataatsimiititamut aammalu Kommunalbestyrelsimut siunnersuutip itigartitsissutigineqarnissaat siunnersuisoqatigiit innersuussutigaa, Nuup illoqarfianut aammalu Kalaallit Nunaata ineriartorneranut kultureqarnikkut oqaluttuarisaanermut tunngassutilittut nalilerneqarmat.

Taassuma saniatigut Sanarfinermut Avatangiisinullu Ingerlatsivimmi aqqusernit allanngornerisa kingorna (ukioq 2005) allaffissornikkut paatsiveerusimaartarneq alarlinit misilittagarineqarpoq, soorlu Allakkeriveqarfimmi, Politiini, Qatseriveqarfinni, Ambulanceni, allakkanut inatsiseqarnermut tunngasuni, taxani assigisaanullu paatsiveerusimaartitsisarsimasoq.

Qulaani nassuiaat tunngavigalugit aqqusernit aqqi pioreersut sapinngisamik allanngortinneqannginnissaat Siunnersuisoqatigiinnit innersuussutigineqarpoq.

Ingerlatsivimmit aningaasatigut sulisoqarnikkullu naliliinerit

Kommunalbestyrelse aqqusernit aqqinik allannguinnissaq aalajangiuppasuk illuutillit piginnittuunermut uppersaatiimik allanngornissaannut inatsisitigullu uppersaatiit pisariaqartinneqartut allat nutarternissaannut inatsisilerituunut aningaasartuuteqarnissaat llimagineqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviummik uppersaatiitallit

- o Kommuneqarfik Sermersuumi Sumiiffinnik Aqquserngillu Taaguutaannik Siunnersuisoqatigiit ileqqoreqqusaat
- o Kommunit aqunneqarnerat pillugu Inatsisartut inatsisaat nr. 29, 17. november 2017-meersoq (aqutsinermut inatsit)

- Pisortat ingerlatsineranni suliassat sularineqartarnerat pillugu Inatsisartut inatsisaat nr. 8, 13. juni 1994-imeersoq (suliassamik isumaginninnermut inatsit)

Ilanngussat

1. Innuttaasumit saaffiginnissut

Punkt 9: Siunnersuut N1-1 – Kangerluarsunnguami erngup nukinganik nukissiorfik, nunaannarmi

Beslutning

Inassuteqaat kalaallisut sumiiffiit taaguutaat sorliit pineqarnersut ersarissarneqartarnissaannik ilassuserlugu akuerineqarpoq. Utoqqarmiut Kangerluarsunnguataq sumiiffimmut taaguutaavoq eqqortoq.

Bilag

Kommunimut pilersaarummut tapiliussassatut siunnersuut N1-1

Siunnersuut N1-1 – Kangerluarsunnguami erngup nukinganik nukissiorfik, nunaannarmi

Aalajangiiffigisassaq

SagsID.: EMN-2021-11073

Sanarfinermut Avatangiisinullu Ingerlatsivik – pisortaagallartoq Alex Nørskov / ALNS

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamat inassuteqaatigaa:

- N1-1 – Kangerluarsunnguami erngup nukinganik nukissiorfiliornissaq, nunaannarmiittoq akuersissutigineqassasoq
- suliaq tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititami aalajangiiffigisassatut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Kangerluarsunnguami erngup nukinganik nukissiorfiliornissaq N1-1 – , nunaannarmiittoq kommunimut pilersaarummut tapiliussatut siunnersuut matumuuna Sanarfinermut Avatangiisinullu Ingerlatsiviup saqqummiuppa.

Kommunimut pilersaarummut tapiliussaq una Kangerluarsunnguami nukiliorfiup, Nuummik innaallagissamik pilersuisup annertusineqarnissaanik Namminersorlutik Oqartussat Nukissiorfiillu kissaataat tunngavigalugu suliarineqarpoq.

Nunataq tamangajammi pinngortitaavoq, immikkoortullu ilaa tamanna immikkoortitaavoq, nunaannartut taaneqartarnera pissutigalugu.

Pilersaarummi matumani Kangerluarsunnguup tasersuata Isortorsuullu tasiata akornanni nutaamik sullorsualiortoqarnissaa periarfissinneqassaaq. Taamaaliortoqarniarpoq nukiliorfiup tamakkiisumik piginnaasaata annertusinissaa, taamaasilluni siunissami Nuup inuttusiartornera ilutigalugu innaallagissamik pilersorsinnaaniassammagu. Sullorsualiarineqartussami sullorsuup isuani isaariaanilu isaarialiortoqassaaq, generatorilerlugu/tankilerlugu mikisunillu sulisut initassaannik sanatitsisoqassalluni (upalungaarsimaneq eqqarsaatigalugu). Aamma sullorsuarnut qanittumi isaarissanut atortunut sinneruttunut atortussaasiviliortoqassaaq.

Pilersaarummut tapiliussaq una aamma aqqutigalugu nukiliorfimmik nutaamik sanatitsisoqarsinnaalissaaq, pioreersumut tapertaasussamik.

Aqquserngit sulinermi atugassat suliarineqarsinnaapput, aqqutiliat imaluunniit illunut, sanaartukkanut allanullu nunaminertamik atuinernut attuumassuteqartunik, ilanngussami inissisimaffissaa innersuussutigalugu. Aqquserngit, aqqutiliat aqqusineeqqallu tamanit isumannaatsumik tikineqarsinnaassapput.

Nunaminertamik atuinissamik qinnuteqaatit sulluunniit, oqartussaasumit suliassaqarfimmik ingerlatsisumit tusarniaassutigineqassapput. Pilersaarutip ASN-iliornissamut imaluunniit pinngortitamut sunniutaasussanik nalilersuinissamut pisussaaffeqartitsineranik naliliinissaq tamatuma siunertaraa.

Erngup nukinganik nukissiorfimiit innaallagialq tamarmi ataavartutut, nukissiuutitullu piujuartitsisutut taaneqarpoq. Ilanngullugu oqaatigineqassaaq illut taakkulu ingerlanneqarnissaat innaallagissamik pilersorneqarnermikkut namminerisamik kiassarneqarnermikkut pilersorneqartussaammata.

Kommunimut pilersaarummut tapiliussami matumani nunatap pingaarnertut pilersaaruserfiginissaanut immikkuualuttunik aalajangersaaffigineqarnissaa ilaatinneqarpoq. Siunnersuut tamanut tusarniaassutigineqassaaq sapaatip-akunnerini arfineq-pingasuni.

Ingerlatsivimmit aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq aningaasaqarnikkut kinguneqarsimanngilaq.

Suliffeqarfimmut Kiffartuussivimmit aningaasatigut naliliineq

Pingaaruteqanngilaq.

Inatsisitigut tunngavissaq allakkallu tunngaviusumik uppersaatitallit

- Pilersaaruserioq aamma nunaminertat atornerqarnerat pillugit Inatsisartut inatsisaat nr. 17, 17. novembari 2010-meersoq
- Kommunimut pilersaarut digitaliusoq www.kp.sermersooq.gl

Ilanngussat

1. Kommunimut pilersaarummut tapiliussassatut siunnersuut N1-1

Punkt 10: Kommunitut pilersaarummut tapiliussap L8-1, Ikkatteq Bluie East 2 inaarutaasumik akuersissutigineqarnera

Beslutning

Inassuteqaat akuersissutigineqarpoq.

Bilag

Kommunitut pilersaarummut tapiliussatut siunnersuut L8-1, Ikkatteq Bluie East 2

Tusarniaanermi akissutit

Kommunitut pilersaarummut tapiliussaq L8-1, Ikkatteq Bluie East 2



Kommunimut pilersaarummut tapiliussap L8-1, Ikkatteq Bluie East 2 inaarutaasumik akuersissutigineqarnera

Aalajangiiffigisassaq

SagsiD.: ANL-2021-00006

Sanarfinermut Avatangiisinullu Ingerlatsivik – pisortaagallartoq Alex Nørskov / ALNS

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliussaq L8-1 Ikkatteq Bluie East 2 akuersissutigineqassasoq
- suliaq akuersissutigisassanngorlugu Aningaasaqarnermut Inuusutissarsiornermullu Ataatsimiititamut kiisalu inaarutaasumik akuersissutigisassanngorlugu Kommunalbestyrelsimut ingerlateqqinneqassasoq

Suliassamik saqqummiussineq

Kommunimut pilersaarummut tapiliussaq L8-1 Ikkatteq Bluie East 2, tamanut tusarniaassutigineqarpoq sapaatit-akunnerini 8-ni piffissami 26. maj – 21. juli 2021.

Tusarniaassutigineqarnerata nalaani akissuteqaatit marluk tiguneqarput, taakkulu allannguutinik aaqqiinernilluunniit pissutissaqartitsinngillat.

Kommunimut pilersaarummut tapiliussap siunertaraa Amerikamiut Sorsunnersuit Aappaanni sakkutooqarfigisimasaasa inuerunnikup, Ikkatteq Bluie East 2, ilaata piginnarnissaa tamaanilu nutaanik suliniuteqartoqarsinnaalersillugu, taamaaliornermi tamatuma oqaluttuassartaata ingerlateqqinnissaa, tamatuma ornigarneqartuaannarnissaa kiisalu takornarianut isumannaatsuunissaa anguniarneqarluni.

Ikkatteq-BE2 Tunup oqaluttuarisaanerani Amerikamiut sakkutuuisa najorsimaneranut oqaluttuarisaanermi pingaaruteqarpoq soorluttaaq Kalaallit Nunaata Sorsunnersuit Aappaanni Europamik iligiit illersuineranni pingaaruteqarluinnarsimasoq. Amerikamiut sakkutuuisa Kalaallit Nunaanniissimanerat aamma kalaallit inuiaqatigiivinit sunniuteqarsimasupilussuupput taamaalillunilu kalaallit oqaluttuarisaanerannut nutaaliaasumut ilaalluinnarluni, soorluttaaq Kalaallit Nunaata, Danmarkip USA-llu akornanni politikikkut nutaaliaasutut aamma ilaalluni.

Naak tamanna ukiuni 70-ini kingullerni piffissap ingerlanerani nungullarsimagaluaqisoq suli Sorsunnersuup Aappaaneersunit illut, qamutit motorillit manngertornisut allallu sinneqarput, illersuineranut atortut aqquutillu kiisalu tamaaniillutik orsussamut atorneqarsimasut nappartat titusindilikkaartut. Sorsunnersuup Aappaanit qimatat piffissap ingerlanerani manngertornersimasut pinngortitami kusanaqisumi ullumikkut Tunumi najugalinnut allamiunillu tikeraanit takornariassallugu nuannarineqartorujussuupput.

Siunnersuummi sakkutooqarfimmi talittarfiit pitsanngorsarneqarnissai aamma paasititsiivinnik pilersitsinissaq, issiaviit takisuut kiisalu pisuttuartunut aqquutit nalunaarsorneqarneri. Tamatuma saniatigut nutaanik sanaartornissamut nunaminertanik atugassiisoqarpoq, tassa illu saqqummiisarfik, oqqisarfiit shelterillu.



Sanarfinermut Avatangiisinullu Ingerlatsivimmit pilersaarut-immikkoortup oqaluttuarisaanerani amerikamiullu sakkutooqarfia inuerunnikoq, Ikateq Bluie East 2, qulakkeerneqarnissaanut saniatigullu immikkoortup sukisaarsaarfiusinnaaneranut pingaaruteqassussaata annertunerulersinneranut iluaqutaassasoq nalilernerqarpoq.

Ingerlatsiviup nalilerpaa pilersaarut atorlugu illoqarfiup pitsaasumik ineriartortinneqarnissaa Illuliortaatsikkut politikkimi akuerisat malillugit pissasoq, portusuunik inissialiortitsinermi suleriuseq atorlugu, Imaneq ilusilersuineri najoqqutassaq minnerunngitsumillu kommunimut pilersaarut Sermersooq2032.

Ingerlatsivimmit aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq aningaasaqarnikkut kinguneqassanngilaq.

Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussivik suliamut aningaasaqarnermut tunngasunik oqaaseqaatissaqanngilaq.

Inatsisitigut tunngavissaq allakkallu tunngaviumik uppersaatitalit

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq aamma Inatsisartut inatsisaa nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Siusinnerusukku aalajangerit

Sanarfinermut Avatangiisinullu Ataatsimiititaq 12.05.21:

Inassuteqaat imatut oqaaseqaatitalerlugu akuersissutigineqarpoq:

Ilanngussaq 1-imi naqqiut, qupp. 28: imatut naqqinneqassaaq 60 meter, illuaqqanut ungasissuseq eqqarsaatigalugu.

Aningaasaqanermut Inuussutissarsiornermullu ataatsimiititaq, 20.05.21:

Inassuteqaat akuersissutigineqarpoq, imatut allannguutitalerlugu: Sanarfinermi Avatangiisinullu Ataatsimiititap siuliani ataatsimiinnerani aalajangiinermi allannguutaa akuersissutigineqanngilaq.

Ilanngussat

1. Kommunimut pilersaarummut tapiliussat siunnersuut L8-1, Ikkatteq Bluie East 2
2. Tusarniaanermi akissutit
3. Kommunimut pilersaarummut tapiliussaq L8-1, Ikkatteq Bluie East 2

Punkt 11: Nuup Kangerluani Nunatarsuarmi tammajuitsussarsiorluni piniartitsinermut akuersissut

Beslutning

Inassuteqaat akuersissutigineqarpoq.

Bilag

Sumiiffimmut qinnuteqarfigineqartumut nunap assinga

Nuup Kangerluani Nunatarsuarmi tammajuitsussarsiorluni piniartitsinermut akuersissut

Pilersaarummut tunngavissap aallartinneqarnissaa pillugu apeqquteqaat

Aalajangiiffigisassaq

SagsID.: EMN-2021-13616

Sanarfinermut Avatangiisinullu Ingerlatsivik – pisortaagallartoq Alex Nørskov /ALNS

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- immikkoortumi pineqartumi akuersissummik piginnittussarsiuussinissamut periarfissiisumik pilersaarummut tunngavissap aallartinneqarnissaa pillugu aalajangiissasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Ingerlatsivik Nunanut Allanut, Inuussutissarsiornermut, Niuernermut Silallu Pissusianut Naalackersuisoqarfimmii apeqquteqaammik tigusaqarpoq, Nuup Kangerluani immikkoortup akuersissuteqarfigineqarnissaa pillugu. Naalackersuisoqarfik Nuup Kangerluani Nunatarsuarmi immikkoortumi tammajuitsussarsiniarluni piniartitsinissamut akuersissuteqartoqarsinnaanera pillugu apeqquteqarfigineqarpoq – ilanngussaq 1 takuuk. Naalackersuisoqarfiup akuersissummik piginnittussarsiuussinnginnerani kommune tamatuma kommuninut pilersaarummi periarfissiuuttussaavaa kommunimut pilersaarummut tapiliussamik.

Akuersissut ima isumaqarpoq, suliffeqarfiup kisimiilluni nunami sumiiffiup aalajangersimasup iluani takornariaqarnermut atatillugu qinnuteqaatigineqartumi nioqqutigisinnaasaa. Akuersissut assersuutigalugu tammajuitsussarsiniarluni piniarnermut piginnaatitaasumut ataatsimut tunniunneqassaaq, taamaalillunilu taanna kisimi immikkoortumi tammajuitsussarsiniarluni piniarnissamik niueruteqarsinnaalissaaq. Taamaakkaluartoq allanik pisoqarsinnaavoq, aamma inuussutissarsiuutigalugu aamma sunngiffimmi piniarneq pisinnaapput.

Ataatsimiititamit kommunimut pilersaarummut tapiliussassamut siunnersuutip aallartinneqarnissaa akuerineqarpat, taanna naalackersuisoqarfik suleqatigalugu naammassineqassaaq. Suliap taassuma ingerlanerani qinnuteqartoq, akuersissummut atatillugu, sanaartortoqarnissaanik eqqarsaateqarnersoq paasinarsissaaq kiisalu piumasaqaatit tassunga atatillugu suut piumasaqaataassanersut.

Siunnersuut politikikkut suliarineqarnerata kingorna tamanut sapaatip akunnerini 8-ni tusarniaassutigineqassaaq. Immikkoortup mianernartuunera pissutigalugu, ingerlatsiviup tusarniaanermut atatillugu tamanut paasisitsiniaasoqarnissaa kaammattuutigaa.

Kommunimut pilersaarummut tapiliussaq inaarutaasumik akuersissutigineqarpat, ingerlatsivik naalackersuisoqarfimmik suleqateqarluni akuersissummik piginnittussarsiorneq aamma toqqaaneq suliarissavaat, taama iliornikkut imminut attanneqarsinnaasumik ineriartortitsineq qulakkeerneqassaaq - nunami avatangiisit najukkamilu suliffissat ilanngullugit.

Ingerlatsivimmit aningaasatigut sulisoqarnikkullu naliliinerit

Kommunimut pilersaarummut tapiliussamik suliaqartoqartillugu taanna kommunimut pilersaarummut ilaavoq, ingerlatsiviullu pilersaarusionermut missingersuutaanut malunnaatilimmik sunniteqassanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataatillit

- Pilersaarusionerq aamma nunaminertat atornerqartarnerat pillugit Inatsisartut inatsisaat nr. 17, 17. november 2010-meersoq aamma
- Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl
- Sumiiffinni nunami aalajangersimasuni takornariartitsinerit akuersissuteqartarnissaq pillugu Inatsisartut inatsisaat nr. 19, 3. december 2012-imeersoq

Ilanngussat

1. Sumiiffimmut qinnuteqarfigineqartumut nunap assinga

Punkt 12: Lukket

Punkt 13: Lukket

Punkt 14: Lukket

Punkt 15: Lukket

Punkt .: Taasariaqartut allat

Beslutning

Ataatsimiitap novembarimi ataatsimiinnissaa ulloq 25. novembari ingerlanneqassaaq.

Punkt .: Imaqarniliap akuerineqarnera